



Broj: T18 0 KT 0018451 25
Brčko, 22.09.2025. godine

Optužnica potvrđena dana 01.10.2025. godine

Na osnovu člana 35. stav (2) tačka h) i člana 226. stav (1) Zakona o krivičnom postupku Brčko distrikta BiH, podižem:

OPTUŽNICU

Protiv:

LJ. A., rođen 1995.godine u Offenbach Am Main,

Što je:

1. Dana 19.03.2025. godine, oko 11.20 časova, u Brčko distriktu BiH, u mjestu Brezovo polje, u ulici Selo Brezovo polje bb, došao ispred porodične kuće L.V., gdje je nakon kraće verbalne prepirke sa istom, svjestan upotrebom fizičke snage može oštetiti tuđe putničko motorno vozilo, što je i htio, rukom uhvatio i upotrebom fizičke snage otkinuo desni retrovizor na putničkom motornom vozilu marke BMW serije 3, model E46, registarskih oznaka RF-54 ZTK, vlasništvo J.N., kojom prilikom je na predmetnom vozilu nastalo oštećenje u vidu otkinutog desnog retrovizora, čime je vlasniku automobila J.N. pričinjena šteta u iznosu od 775,00 KM,

dakle, oštetio tuđu stvar,

2. Dana 10.03.2025. godine u 16.35 časova, u Brčko distriktu BiH, svjestan svojih radnji i u namjeri da ugrozi bezbjednost Z.I., što je i htio, istom sa pretplatničkog broja 062/...uputio telefonski poziv, kojom prilikom mu je izrekao usmenu ozbiljnu prijetnju da će dobiti metak, odnosno da će napasti na njegov život i tijelo, što je sve Z.I. i shvatio kao ozbiljnu prijetnju i što je kod njega stvorilo osjećaj straha i bojazni za sebe i svoju bezbjednost,

dakle, ugrozio bezbjednost nekog lica ozbiljnom prijetnjom da će ga lišiti života ili teško tjelesno povrijediti,

čime je pod tačkom 1. izvršio krivično djelo – Oštećenje tuđe stvari – iz člana 287. stav (1) Krivičnog zakona Brčko distrikta BiH, a pod tačkom 2. izvršio krivično djelo - Ugrožavanje sigurnosti – iz člana 180. stav (1) Z Krivičnog zakona Brčko distrikta BiH, a sve u vezi sa članom 54. Krivičnog zakona Brčko distrikta BiH.

[...]